



2020 йил «24» март

№ 193-Қ

Jomboy sh. – г. Жамбай

Фуқаро Джураева Дилбарга қурилиш материаллари ишлаб чиқариш цехи қуриш учун ер майдони танлаш ва ажратиш тўғрисида

Ўзбекистон Республикаси Вазирлар Маҳкамасининг 2019 йил 16 ноябрдаги 911-сонли қарорига, фуқаролик ишлари бўйича Жомбой туманлараро судининг 2019 йил 4 март кунидаги ҳал қилув қарорига асосан, Самарқанд вилоят экология ва атроф-муҳитни муҳофаза қилиш бошқармасининг 2019 йил 25 декабрдаги 1122-сонли ҳулосасини, Вилоят қурилиш бошқармаси “Архитектура шаҳарсозлик кенгаши”нинг 2019 йил 8 ноябрдаги 95-сонли йиғилиш баёнини, Ер майдони танлаш давлат комиссиясининг 2020 йил 6 январдаги далолатномасини, фуқаро Джураева Дилбарнинг қурилиш материаллари ишлаб чиқариш цехи биноси қуриш учун ер майдони ажратиш тўғрисидаги аризасини ҳамда тўпланган бошқа ҳужжатларни кўриб чиқиб

ҚАРОР ҚИЛАМАН:

1. Ер майдони танлаш давлат комиссиясининг 2020 йил 6 январдаги далолатномаси тасдиқлансин ва Жомбой тумани Н.Эсонтурдиев массиви ҳудудида жойлашган 1377қ-контурдаги жами 0,3 гектар яйлов ер майдони фуқаро Джураева Дилбарга қурилиш материаллари ишлаб чиқариш цехи биноси қуриш учун танлансин ва ажратилсин.

2. Туман Ер ресурслари ва давлат кадастри бўлими (Ж.Турсунов)га белгиланган тартибда ер ажратиб бериш вазифаси топширилсин.

3. Фуқаро Джураева Дилбар томонидан қурилиш ишлари вилоят Қурилиш бош бошқармаси томонидан тасдиқланган АРТ ва лойиха ҳужжатлари асосида, қурилиш лойихасини вилоят Давлат архитектура ва қурилиш назорат инспекциясидан рўйхатдан ўтказган ҳолда амалга оширилиши белгилаб қўйилсин.

4. Туман бош архитектори И.Рашидовга қурилиш ишларини белгиланган муддатда лойиха ҳужжатлари асосида амалга оширилишини назорат қилиш вазифаси юклатилсин.

5. Ўзбекистон Республикаси Вазирлар Маҳкамасининг 2011 йил 25 майдаги 146-сонли қарорига ҳамда Ўзбекистон Республикаси Президентининг 2019 йил 17 июндаги ПФ-5742-сон фармонида асосан 3486859.0 (уч миллион тўрт юз саксон олти минг саккиз юз эллик тўққиз) сўм қишлоқ хўжалиги ишлаб чиқарилиши нобутгарчилигининг зарар миқдорини тулаб бериш шarti билан фуқаро Джураева Дилбарга қурилиш материаллари ишлаб чиқариш цехи қуриш учун ажратилган 0,3 гектар учун ҳисобланган қишлоқ хўжалиги ишлаб чиқарилиши нобутгарчилигининг зарар миқдорини вилоят Ер ресурслари ва давлат кадастри бошқармасининг махсус ҳисоб рақамига ўтказиш вазифаси топширилсин.

6. Ўзбекистон Республикаси «Ер кодекси»нинг 36-моддаси 6-бандига асосан белгилангандан бошқа мақсадларда фойдаланилганда ер участкасига бўлган ҳуқуқ бекор бўлиши ва давлатга келтирилган зарар ердан фойдаланувчидан ўндирилиши тўғрисида ердан фойдаланувчи фуқаро Джураева Дилбар ушбу қарор билан огохлантирилган деб ҳисоблансин.

7. Мазкур қарорнинг bajarилишини назорат қилиш туман ҳокимининг ўринбосарлари А.Облақулов ва Х.Жамраев зиммасига юклатилсин.

Туман ҳокими

Ҳ.Туйчиев